


十誦律

才五十四

三百十五
年四

49898



北京圖書館藏

十誦律卷第五十四

俱舍弥法

廿

姚秦三藏弗若多羅共三藏鳩摩羅什譯

第九誦之四

問若衆僧壞為二部諸比丘尼受半月教授
法應從何部受答從說如法者受若無說如
法者闍賴吒比丘應出界外教授問俱舍弥
比丘毗耶離比丘捨界得名捨不答不得問
毗耶離比丘俱舍弥比丘捨界得名捨不答
不得捨問俱舍弥比丘布薩處二部共合一
處闍賴吒云何布薩答應出界作布薩問是
中檀越來捉上座手言布施衆僧是施物應
屬誰答隨何部作上座是物應屬一部若檀

越捉第一上座第二上座手言是物施僧是物應屬誰答若二上座是一部上座應屬一部若二上座各是一部應屬二部云何應分答次第等分第四分與沙弥問若衆僧欲壞知法者次第敷一獨坐床中間各留一床處是中坐應作僧羯磨亦應教授比丘尼是中云何名成法答若二部隨順闍利吒比丘共和合是

瞻波法第三

問若睡眠比丘衆僧擯得名擯不答若聞白已睡眠得名擯問若衆僧睡眠擯一比丘是比丘得名爲擯不答若衆僧聞白已睡眠得

名擯問若亂語憤鬧時擯比丘得名擯不答
乃至四比丘聞白聲得名擯問若賊住比丘
擯比丘不共住種種不共住人別住比丘狂
人散亂心病壞心人足數擯比丘得名擯不
答不得癡比丘若未作癡羯磨諸比丘不得
離作布薩及諸羯磨若作癡羯磨已若來若
不來諸比丘隨意作布薩及諸羯磨問頗比
丘衆僧事未訖從坐處起不得波逸提耶答
曰有若大小行若不離聞處是問毗尼中說
比丘不在現前不應羯磨若作諸比丘得罪
頗有比丘不現前作羯磨不得罪耶答曰有
諸比丘尼爲比丘不現前與作不禮拜不共

語不問訊不供養羯磨是問毗尼說不自首
不應作羯磨頗有不自首得作羯磨耶荅曰
有若比丘不自首比丘尼僧得作不禮拜不
共語不問訊不供養羯磨諸比丘在地有事
人在高上得作羯磨不荅不得諸比丘在高
上有事人在地得作羯磨不荅不得諸比丘
在界內有事人在界外得作羯磨不荅不得
諸比丘在界外有事人在界內得作羯磨不
荅不得諸比丘有事人俱在界內若坐若卧
若立得作羯磨問受法比丘與不受法比丘
作羯磨得羯磨不荅不得不受法比丘與受
法比丘作羯磨得羯磨不荅不得受法比丘

以不受法比丘足數作羯磨得羯磨不荅不得
不受法比丘以受法比丘足數作羯磨得
羯磨不荅不得問頗有界內一時四處作羯
磨不得罪耶荅曰有四處展轉與欲得問頗
一比丘於四住處中作羯磨不得罪耶荅曰
有若床檣材木連接四界得問頗一足數人
足四住處作羯磨不得罪耶荅曰有若床檣
材木連接四界若坐若立得

般茶盧伽法第四

優波離問佛諸比丘作滅羯磨儻一比丘諸
比丘還捨是羯磨得名捨不荅言得捨諸比
丘得罪諸比丘在地被儻比丘在高上得解

儻不答不得諸比丘在高上被儻人在地得
解儻不答不得諸比丘在界內被儻人在界
外得解儻不答不得諸比丘在界外被儻人
在界內得解儻不答不得若諸比丘被儻人
俱在界內若坐若立得解儻諸比丘得罪問
比丘無比丘住處住得僧伽婆尸沙罪不得
發露名覆藏罪不答曰不名覆藏問若比丘
得僧伽婆尸沙罪竟日與比丘共住不發露
出界至地了得覆藏罪耶答不名覆藏問若
比丘得僧伽婆尸沙罪與賊住比丘諸擯比
丘別住比丘不共住人種種不共住人狂人散
亂心人病壞心人共住不向說得名覆藏不

答不得問若比丘與癡人共住不向癡人說
名覆藏不答不名覆藏不能語故若與聾人
共住不向說得名覆藏不答不得不聞語故
若與瘖聾人共住不向說得名覆藏不答不
得不解不聞語故若與邊地人共住不向說
得名覆藏不答不得不解語故若比丘向此
比丘說名發露不答不名發露若向式叉摩
尼沙彌沙彌尼優婆塞優婆夷說得名發露
不答不得名發露問若比丘語餘比丘言若
作如是罪得何等罪云何治不自說已作得
名發露不答不名發露問若比丘隨覆藏罪
不別住不行摩那埵諸比丘但與作出罪羯

磨得名出罪不答得名出罪諸比丘得罪問
若比丘隨覆藏罪作別住不行摩那埵諸比
丘但與作出罪羯磨得名出罪不答得名出
罪諸比丘得罪問若比丘隨覆藏罪作別住
行摩那埵諸比丘但與出罪羯磨得出罪不
答得名出罪諸比丘無罪問若比丘覆藏罪

六夜行摩那埵諸比丘與作出罪羯磨得名
出罪不答得名出罪諸比丘得罪問若比丘
不覆藏罪衆僧中六夜行摩那埵諸比丘與
作出罪羯磨得名出罪不答得名出罪諸比
丘無罪問諸比丘在地有罪比丘在高上得
名出罪不答不得諸比丘在高上有罪比丘

在地得名出罪不答不得諸比丘在界內有
罪比丘在界外得名出罪不答不得諸比丘
在界外有罪比丘在界內得名出罪不答不
得若諸比丘與有罪比丘俱在界內若坐若
立得名出罪不答得

問順行法第五

優波離問佛頗比丘即是別任人即是別任竟人
即是行摩那埵人即是行摩那埵竟人耶答曰有
若比丘出精得僧伽婆尸沙罪是罪不覆藏
是人從僧乞六夜行摩那埵僧與此比丘六
夜摩那埵是比丘六夜行摩那埵時亦所
已行竟更作出精得僧伽婆尸沙罪是第二

罪亦不覆蔽是比丘復從僧乞六夜行摩那
埵僧復與此比丘六夜摩那埵是人行六夜
摩那埵時尔所日已行竟更故出精得僧伽
婆尸沙罪是罪覆蔽是比丘隨覆蔽日從僧
乞別住是比丘隨覆蔽日行別住時尔所日
已行竟更故出精得僧伽婆尸沙罪是第二罪
亦覆蔽二罪覆蔽一罪一夜覆蔽二罪一夜覆
蔽是比丘過一夜以一罪故名別住人以一罪故
名別住竟人以一罪故名行摩那埵人以一
罪故名行摩那埵竟人問毗尼中說別住人
不得與別住人有住處不得同一覆無住處
不得同一覆頗有別住人得與別住人有住

處無住處同一覆於僧坊若無僧坊不得罪
耶荅曰有若本是外道問頗有人無罪亦名
別住耶荅曰有若本是外道問頗有比丘得
僧伽婆尸沙罪不隨覆截日不從僧乞別住
衆僧亦不與是人隨覆截日別住是人不從
僧乞六夜摩那埵僧亦不與是人六夜摩那
埵是人亦不從僧乞出罪僧亦不與是人出
罪是人亦名淨不荅曰有若是比丘轉根作
比丘尼是問頗比丘尼得僧伽婆尸沙罪不
從二衆乞半月摩那埵二衆亦不與半月摩
那埵不從二衆乞出罪羯磨二衆亦不與出
罪羯磨亦名淨不荅曰有若是比丘尼轉根

作比丘是問出罪人在地餘比丘在高上與
出罪得名出罪不答不名出罪出罪人在高
上餘比丘在地與出罪得名出罪不答不名
出罪出罪人在界內諸比丘在界外與出罪
得名出罪不答不名出罪出罪人在界外諸
比丘在界內與出罪得名出罪不答不名出
罪出罪人諸比丘俱在界內若坐若立得名
出罪不答得名出罪問別住人與別住人有
住處不得同一覆無住處不得同一覆別住
人與行別住竟人與行摩那埵人別住人與
行摩那埵竟人別住人與不共住人若有住
處不得同一覆無住處不得同一覆別住人

清淨比丘有住處不應同一覆無住處亦不應同一覆別住人別住竟人別住人摩那埵人別住人摩那埵竟人別住人不共住人有住處不得同一覆無住處不得同一覆若別住人出界去若能得有比丘住處可去若不若夫行別住夜若言我不能行別住法摩那埵是人白衆僧言我不能行衆僧應置問應置幾日答應置二十五日問頗有人無罪亦從衆僧乞別住衆僧與名為善與耶答本外道是問頗有不受具戒人得僧伽婆尸沙罪隨覆藏日從僧乞別住僧與是人隨覆藏別住名為善與耶從僧乞六夜摩那埵衆僧若

與摩那埵亦名善與耶從衆僧乞出罪羯磨
僧與出罪羯磨亦名善與耶答與學沙彌是
問遮法第六

優波離問佛頗得宿聽出他過耶答不得又
問以宿聽得遮波羅提木义得遮自恣得遮
教化比丘尼耶答不得問在地住人得與高上
人作覆鉢不答不得高上人得與地人作覆
鉢不答不得界內與界外人作覆鉢不答不
得界外與界內人得作覆鉢不答不得若與
作覆鉢人俱在界內若坐若立得作覆鉢問
諸比丘在地足數人在高上作覆鉢得不答
不得諸比丘在高上足數人在地作覆鉢不

荅不得諸比丘在界內足數人在界外作覆鉢得不得荅不得諸比丘在界外足數人在界內作覆鉢得不得荅不得若諸比丘足數人俱在界內若坐若立得作覆鉢諸比丘在地與高上人作仰鉢得不得荅不得諸比丘在高上與在地人作仰鉢得不得荅不得諸比丘在界內與界外人作仰鉢得不得荅不得諸比丘在界外與界內人作仰鉢得不得荅不得諸比丘與作仰鉢人俱在界內若坐若立得作仰鉢諸比丘在地足數人在高上作仰鉢得不得荅不得諸比丘在高上足數人在地作仰鉢得不得荅不得諸比丘在界內足數人在界外作

仰鉢得不答不得諸比丘在界外足數人在
界內作仰鉢得不答不得諸比丘足數人俱
在界內若坐若立得作仰鉢問毗尼中說不
得以宿聽出他過頗比丘宿聽出他過無罪
耶答曰有若受自恣時得餘時不得問應從
何處求聽答應從衆僧中問何處應與聽法
答曰衆僧中問何處應遮波羅提木又答衆
僧中問何處應遮自恣答衆僧中問何處如
法自言答衆僧中問何處如法斷事答衆僧
中問諸比丘遮癡人波羅提木又得名遮不
答不得問遮聾人癡聾人狂人散亂心人病
壞心人波羅提木又得名遮不答不得問若

諸比丘以瘖人足數遮波羅提木又得名遮
不荅不得問若以聾人瘖人狂人散亂心人
病壞心人足數遮波羅提木又得名遮不荅
不得問受法比丘遮不受法比丘波羅提木
又得名遮不荅不得問不受法比丘遮受法
比丘波羅提木又得名遮不荅不得問受法
比丘以不受法比丘足數遮波羅提木又得
名遮不荅不得問不受法比丘以受法比丘
足數遮波羅提木又得名遮不荅不得問頗
一比丘遮四任處波羅提木又得名遮不荅
曰有若床檣材木連接四界得名遮問頗有
一足數人足四處遮波羅提木又得名遮不

答曰有若床檣材木連接四界得名遮
問卧具法第七

優波離問佛毗尼中說受法人雖是長老不
名尊長說非法人雖是上座不名尊長云何
名尊長非尊長答受法比丘應禮敬不受法
比丘不受法比丘不應禮敬受法比丘是
尊長非尊長問毗尼中說此間安居比丘
應彼處取卧具頗有比丘此間安居彼處取
卧具不得罪耶答曰有後安居若阿練若比
丘此間安居彼處取卧具欲來歲安居無罪
問毗尼中說佛告舍利弗汝等先籌量人後
當分布取卧具云何名籌量人答一一部清

淨上座和合是名籌量人問沙彌在僧坊應
取卧具不答應取問一比丘獨在僧坊應取
卧具不答應取問若二比丘在僧坊中住應
取卧具不答應取問若三比丘在僧坊中住
應取卧具不答應取問若四比丘在僧坊中
住應唱分卧具不答應唱分問頗一比丘四
處住取卧具耶答曰有若床檣材木連接四
邊得取卧具問頗有比丘不現前與卧具不
答或與或不與誰應與知當來誰不應與知
當不來不囑者不與若囑者一切卧具應與
一切作事令代作

問滅諍法第八

優波離問佛頗有以一事多覓法滅得名滅
不得罪耶荅曰有唱分布卧具事起是也問
毗尼中說二因緣故破僧一唱說二取籌是
中若賊任比丘唱說行籌可名破僧不荅不
名破僧問若狂人散亂心人病壞心人唱說
行籌可名破僧不荅不名破僧

問雜事初

優波離問佛如佛所說邊地人持律第五得
受具戒頗有十人但取五人得名受具戒不
荅得名受具戒與受具戒者得罪問聾人云
何名得布施荅若眼見若盲人若著手中若
著膝上心生念我得是物問若坐卧具上若

織若盡作女人像若半有半無得坐卧不答
不得不犯者若多壞若敷尼師壇坐問捉犢
牛尾得渡河不答不得問除犢牛若捉餘畜
生尾得渡河不答若捉師子虎狼象特牛驢
馬尾者得捉渡河問受石蜜漿舉宿經七日
糝雜得服不答雜餘糝不得問不淨藥草著
油中煮得服不答不得若病人塗身手足灌
鼻無罪問若以不淨脂煮鹽得食不答病人
若燒得服問比丘以火刀爪淨菓得食不答
不得問若菓樹在淨地枝在不淨地菓墮是
中可食不答不可食若菓樹在不淨地枝在
淨地菓墮是中可食不答可食佛語諸比丘

從今日不聽汝作淨地羯磨若作得突吉羅
從是語已捨是事

問諸大小槃團槃机案上得食不荅不得問
人乳得飲不荅不得若病以洗瘡塗眼得問
人肉得食不荅不得若食得偷蘭遮問故為
殺畜生肉可食不荅不得若食突吉羅不淨
鳥獸肉不應食若食得突吉羅鷄肉不應食
若食得突吉羅鷄鷲鳥等肉不應食若食得
突吉羅蝦蟆肉不應食若食得突吉羅水蛭
不應食若食得突吉羅即日受時藥時分藥
七日藥盡形藥共合一處中前應服時藥力
故過中不應服即日受時分藥七日藥盡形

藥共合一處服分應服時分藥力故過時分
不應服即日受七日藥盡形藥共合一處七
日應服七日藥力故過七日不應服盡形藥
隨意應服昨日受時藥不淨即日受時分藥七日
藥盡形藥共合一處不應服昨日受時分藥
不淨即日受七日藥盡形藥共合一處不應服昨
日受七日藥不淨即日受盡形藥共合一處不應
服盡形藥盡形應服問頗有從一物邊作時
藥時分藥七日藥盡形藥荅曰有甘蔗是時
藥清汁是時分藥作石蜜是七日藥燒作燴
煨是盡形藥酪是時藥清汁如水是時分藥
作蘇是七日藥燒作燴煨是盡形藥胡麻是

時藥壓作油是七日藥燒作燴悔是盡形藥
肉是時藥煎取脂是七日藥燒作燴悔是盡
形藥問時分七日盡形藥是諸藥舉殘宿得
服不答不得問若大比丘先自取後從淨者
邊受可服不答不得問是藥手受口受無病
應服不答不得問若手受口受病比丘得服
不答得服問八種漿非時可飲不答若無酒氣
味清淨得服問得從狂人取衣不答或可取
或不可取若知有父母兄弟居家與可取若
知無父母兄弟非居家中與不可取問狂人
何時應受衣答還得本心時有一比丘獨一處
住是中檀越施僧現前可分物是比丘應心

念口言是衣物爲此任處現前僧可分是衣
物今屬我我應受自用若能作是語得名羯
磨若餘比丘來從索不應與若不作是語是
物不應取若取得突吉羅亦應共餘比丘分
若不如是作出界外得突吉羅問若賢者責
罰兒是兒持物與比丘可取不答不應取問
自恣竟先檀越施僧衣作是言是物施是間
安居僧是時非夏末月諸比丘亦不受迦絺
那衣是衣應屬誰答雖非夏末月諸比丘亦
不受迦絺那衣是衣應屬此間安居竟僧應
分問諸檀越持衣施作是言是衣施是間現
前僧是時夏末月諸比丘受迦絺那衣是衣

應屬誰答雖是夏末月雖受迦絺那衣是衣
應是一任處現前僧應分問檀越持衣施作
是言是衣施此任處去年乃至十歲安居僧
是安居時非夏末月不受迦絺那衣是衣應
屬誰答雖非夏末月不受迦絺那衣是衣但
去年乃至十歲此處安居僧應分問檀越持
衣入僧坊作是言是衣施此任處將來一年
二年乃至十年是中安居僧亦時是夏末月
受迦絺那衣是衣應屬誰答言雖是夏末月
受迦絺那衣是衣應來一年乃至十年此間
安居僧分問勸化主為僧事出界去誰當與
安居衣分答隨所為出界處應與又隨所任

日多處應與問破安居比丘應與衣分不答
或應與或不應與何者應與若知前安居若
後安居應與若多住應與若半住應與何者
不與若知不前安居若知不後安居若住日
少是問看病人為病人故出界去病人命終
應與看病人衣分不答曰或應與或不應與
應與者實為病人故出應與若餘事故
出不應與問云何名看病人答若能看
視療治病人乃至若死若差與隨病藥隨
病食具足供給親近益利使離諸衰損所作
無闕是名看病人問若白衣作看病人應與
看病人物分不答不應與問若比丘尼作看

病人應與看病人物不答不應與若是看病
比丘餘處安居應與看病人物不答應與問
若看病人後安居病比丘前安居應與看病
人物不答應與問若沙彌作看病人應與看
病人物不答言應與云何與答大比丘等與
問與學沙彌齊何作淨施答隨所得時作淨
施問錢云何作淨施答應言此是不淨物若
淨當受用問頗一比丘四住處一時安居得
名安居無罪耶答若以床檣材木連接四界
得名安居何處應與安居衣分答應四處各
與四分之一若比丘雨浴衣若小受得突吉
羅若覆瘡衣若小受得突吉羅若比丘分盈

長衣得突吉羅問若比丘作三相一赤裸二
著角鷄翅衣三著髮欽跋羅得何罪答得偷
蘭遮問若比丘除是三相更作餘相得何罪
答得突吉羅問毗尼中說故衣不得受作迦
絺那衣若受不名受云何名故衣答以曾受
作迦絺那衣是名故衣又毗尼中說新衣應
受作迦絺那衣云何名新衣答若衣未曾受
作迦絺那衣是名新衣

佛告優波離令僧作迦絺那衣人應次第作
浣染割截簪綴連縫量度作迦絺那衣浣時
應生是心以是衣令僧受作迦絺那衣染時
割截時簪綴時連縫時量度時應生是心以

是衣令僧受作迦絺那衣若能生是六心得
名受作迦絺那衣若不生是六心不名受作
迦絺那衣又復作迦絺那衣人應生三心以
是衣令僧受作迦絺那衣以是衣今受作迦
絺那衣以是衣受作迦絺那衣竟能生是三
心得名受作迦絺那衣若不生是三心不得
名受作迦絺那衣又復作迦絺那衣應生二
心得名受作迦絺那衣何等二心是衣今受
作迦絺那衣以是衣今受作迦絺那衣竟若
生是二心名受迦絺那衣若不生是二心作
迦絺那衣比丘皆得突吉羅
問若受舉宿衣受迦絺那衣不名受迦絺那

衣云何名舉宿衣荅若長衣過十夜是若受
不淨衣不名受迦絺那衣云何是不淨衣荅
求望衣是問毗尼中說去來衣不得受作迦
絺那衣云何名去來衣荅若衣覆死人到塚
間還取來是名去來衣問毗尼中說用淨衣
作迦絺那衣云何名淨衣荅佛所聽讚歎者
是名淨衣問若未受迦絺那衣僧壞為二部
何部應受迦絺那衣荅如法部應受若諸比
丘受迦絺那衣竟僧壞為二部是諸比丘得
名受迦絺那衣不荅皆得名受若受迦絺那
衣任處僧壞為二部是二部中有諸比丘捨
迦絺那衣是名捨不荅若如法部捨得名為

捨佛告優波離作迦絺那衣人若浣染割截
簪綴連縫二長一短時應生三心用是衣當
令受作迦絺那衣以是衣今受作迦絺那衣
以是衣受作迦絺那衣竟若能生是三心得
名受作迦絺那衣若不生是三心不得名受
作迦絺那衣又復應生二心以是衣今受作
迦絺那衣以是衣今受作迦絺那衣竟若生
是二心得名受作迦絺那衣若不生是二心不
得名受作迦絺那衣作迦絺那衣人犯突吉
羅優波離問佛是衣有何義故名迦絺那衣
佛告優波離是衣名字爲迦絺那優波離問
佛何者是迦絺那答以是衣受作迦絺那問何

者是迦絺那義荅衣名迦絺那義生九心故名受迦絺那八因緣故名捨迦絺那問毗尼中說是迦絺那衣住處名蔭覆蔭覆義云何荅迦絺那衣住處蔭覆僧得受衣物等施問毗尼中說得用急施衣令僧受作迦絺那衣云何名急施衣荅十日未至自恣得衣物是名急施衣問毗尼中說得時衣令僧受作迦絺那衣云何名時衣荅若夏末月得衣物是名時衣佛告優波離五比丘不得作迦絺那衣人何等五一無歲二破安居三後安居四儻五別住是名爲五佛言若減五人受迦絺那衣不得名受迦絺那衣若四比丘第五白

衣不名得受若沙弥非比丘外道不見僮人
不作僮人不捨惡邪見僮人不共住人種種
不共住人自言我犯重罪人若先來白衣若
汗比丘尼人不能男人越濟人若殺父母阿
羅漢破僧人惡心出佛身血人如是等作第
五人 不名受迦絺那衣問頗有隨日受迦絺
那衣彼日捨不作羯磨不得罪耶答曰有受
迦絺那衣諸比丘作十四日客比丘來作十
五日若舊比丘隨客比丘即日作布薩捨迦
絺那衣無罪問去何得破僧罪答若人非法
知是非法邪見故壞僧如是得破僧罪又非
法謂是法邪見故壞僧得破僧罪又非法中

疑邪見故壞僧得破僧罪問所有破僧皆是
僧諍聲耶所有僧諍聲皆是破僧耶答或有破
僧無僧諍聲或有僧諍聲非僧破或有僧破亦
僧諍聲或非破僧無僧諍聲問云何破僧無僧
諍聲答若僧壞爲二部未受十四破僧事是
名破僧無僧諍聲云何僧諍聲非破衆僧答
若諸比丘執是十四破僧事僧未作二部是
名僧諍聲非破僧云何破僧亦僧諍聲答若
僧壞爲二部受十四破僧事是名破僧亦僧
諍聲云何非破僧亦非諍聲答除上尔所事
問所有破僧皆是別離僧耶所有別離僧皆
是破僧耶答或有破僧非是別離或有別離

非破僧或有破僧亦是別離或非破僧亦非
別離云何破僧非是別離答若僧破共一處
住是名破僧非是別離云何別離非是破僧
答若二衆別異住異地異界異施異衣是名
別離非是破僧云何破僧亦是別離答若衆
僧壞爲二部別異住異地異界異施異衣是
名破僧亦是別離云何非破僧亦非別離答
除上介所事問所有破僧皆是僧別異耶有
僧別異皆是破僧耶答或有破僧非僧別異
或僧別異非是破僧或破僧亦僧別異或非
破僧非僧別異云何破僧非異別異答若僧破
未別異住未異地異界異施衣是名破僧非

是別異云何別異非是破僧答若僧不破別
異住異地異界異施異衣是名別異非是破
僧云何破僧亦是別異答若衆僧破爲二部
別住異地異施異界異衣是名破僧亦是
別異云何非破僧亦非別異答除上余所事
問若僧破爲二部若一部捨界可得捨不答
如法者捨得名捨問若衆僧破比丘尼應作
布薩不答應作布薩比丘尼不同事故問若
衆僧破闍賴吒比丘云何應布薩答是闍賴
吒比丘應出界作布薩說戒問若衆僧壞爲
二部比丘尼應從何部受半月教化答應從
如法部受若無如法闍賴吒比丘應出界教

化問三儂比丘一比丘隨順供給得何罪荅
是比丘得二突吉羅一波夜提問儂比丘名
爲獨名爲有伴黨耶荅一切儂比丘名爲
獨無有伴黨問比丘儂未決定應共任同事
不荅若共任同事無罪問受法比丘得與不
受法比丘作羯磨不荅不得不受法比丘得
與受法比丘作羯磨不荅不得若有一儂比
丘四比丘隨順名爲破僧不荅名破僧何以
故衆僧儂是人而四比丘隨順故問毗尼中
說如是人不應作不見儂若儂得偷蘭遮罪
何以故近破僧因緣故去何名如是人當知
是大德人若多知多識多聞大德明解脩茹

路毗尼阿毗曇義是故說名如是人不應與
作不見儼若儼得偷蘭遮罪近破僧故問毗
尼中說用可言比丘語應見罪去何名可信
荅從可信語比丘邊聞亦自信是罪問毗尼
中說若僧欲破應次第空一床處敷獨坐床
知法者應作諸羯磨及教化比丘尼是中云
何成法荅若諸比丘共心悔知罪互相恭敬
禮拜問訊是問毗尼中說若破一毛爲百分
當如是細求和合衆僧因緣莫求破僧因緣
問云何名細求荅應求語言應求義趣應分
別籌量應籌量細求和合僧因緣莫求破僧
因緣若擯比丘心悔知罪恭敬禮拜衆僧諸

比丘將界外解擯得解擯不荅得解擯諸比丘
得罪俱舍弥何時名破僧荅若俱舍弥比
丘內共一任處別作布薩及諸羯磨亦時名
破僧問俱舍弥誰名破衆僧荅知法比丘界
內共任處別作布薩及諸羯磨者是問若比
丘尼僧破爲二部比丘尼來詣諸比丘求教
化法諸比丘應與教化不荅應與應作是言
諸姊善共和合問二因緣故名爲破僧一唱
說二者取籌若以餘因緣唱說取籌名破僧
不荅不名破僧問若衆僧破爲二部諸比丘
尼來求教化應教化不荅應與教化何以故
不欲令比丘尼僧破故問毗耶離比丘受比

丘尼求教化若俱舍弥比丘介時在界內毗
耶離比丘云何作教化答應出界教化問俱
舍弥二部朋黨一布薩處集闍賴吒比丘云
何作布薩答應出界作布薩說戒是問檀越捉
上座手布施衆僧是施物應屬誰答隨何部
作上座是物應屬若檀越捉第一上座第二
上座手言是物施衆僧應屬誰答若第一上
座第二上座同一部應屬一部第一上座第
二上座各在一部應屬二部云何應分次第
分第四分與沙弥問毗耶離比丘就闍賴吒
比丘共作布薩說戒得名布薩說戒不答得
顯闍賴吒相故若闍賴吒比丘就毗耶離比

丘共作布薩說戒得名布薩說戒不答得布
薩說戒但失闍賴吒相故問俱舍彌比丘就
闍賴吒比丘布薩說戒得名布薩說戒不答
得顯闍賴吒相故闍賴吒比丘就俱舍彌比
丘作布薩說戒得名布薩說戒不答得布薩
說戒但失闍賴吒相故如佛所說有一在處
諸比丘作羯磨非法別眾非法和合眾似法
別眾似法和合眾如法別眾如法和合眾去
何非法別眾答應與苦切羯磨與作不見擯
羯磨僧不和合是名非法別眾去何名非法
和合眾答應苦切羯磨與作不見擯羯磨僧和
合是名非法和合眾去何名似法別眾答應

作不見擯羯磨時先唱說後白僧不和合是
名似法別衆去何似法和合衆答若作不見擯
羯磨時先唱說後白僧和合是名似和合衆
去何名如法別衆答若應與作不見擯與作
不見擯羯磨僧不和合是名如法別衆去何
如法和合衆答若應與作不見擯與作不見
擯羯磨僧和合是名如法和合衆若一比丘
擯一人一突吉羅一人擯二人二突吉羅一
人擯三人三突吉羅一人擯四人四突吉羅
二人擯二人二突吉羅二人擯三人三突吉
羅二人擯四人四突吉羅二人擯一人一突
吉羅三人擯三人三突吉羅三人擯四人四

突吉羅三人擯一人一突吉羅三人擯二人
二突吉羅問若四比丘擯四比丘得何罪答
得偷蘭遮罪以破僧因緣故問一切衆僧睡
眠卽時擯比丘得擯不答若衆僧聞白已睡
眠得擯問若衆僧以餘因緣和合卽擯比丘
得名擯不答曰得擯說羯磨者得罪問若減
四比丘擯人得名擯不答不得問若三比丘
第四若白衣沙彌非比丘外道不見擯不作擯
惡邪不除擯不共住別住種種不共住自言犯
重罪先來白衣汗比丘尼殺父母殺阿羅漢
破僧惡心出佛身血人作第四人得擯人不
答不得問如佛所言有一住處諸比丘應作

羯磨者彼不集一處應與欲而不與現前比丘能遮者遮成遮去何應與羯磨比丘答若應四衆作羯磨四比丘應作若應五衆作羯磨者五比丘應作若應十衆作羯磨者十比丘應作若應二十衆作羯磨者二十比丘應作諸比丘清淨同住同見是名應作羯磨比丘問若比丘睡眠諸比丘作擯不答若比丘聞白已睡眠得名擯問若入定比丘諸比丘得擯不答若是比丘聞白已入定得名擯問若衆僧破爲二部手相擯得擯不答若如法者擯得名擯問以闍賴吒比丘足數擯比丘得擯不答得擯但失闍賴吒相故問所

有非法羯磨是別衆羯磨耶所有別衆羯磨
是非法羯磨耶答或非法羯磨非別衆或別
衆羯磨非非法或非法羯磨亦是別衆或非
非法羯磨亦非別衆云何非法羯磨非別衆
答所有中作羯磨比丘和合一處應與欲者
皆與欲來現前比丘遮成遮而不遮若人不
現前不先說其事與作羯磨是名非法羯磨
非是別衆云何別衆羯磨非非法答所有中
作羯磨比丘不和合一處應與欲者不與欲
來現在前比丘能遮者遮成遮若人現前先
說其事乃作羯磨是別衆羯磨非非法云何
非法羯磨亦別衆答所有中作羯磨比丘不

和合一處應與欲者不與欲來現前比丘能
遮者遮成遮若人不現前不先說其事與作
羯磨是名非法羯磨亦別衆云何非非法亦
非別衆答所有中作羯磨比丘和合一處應與
欲者皆與欲來現在比丘能遮者不遮若人
現前先說其事與作羯磨是名非非法亦非
別衆問所有是法羯磨皆是和合耶所有和
合羯磨皆是有法耶答或有是法羯磨非是
和合或是和合羯磨非是有法或有法羯磨
亦是和合或非有法羯磨亦非和合云何有
法羯磨非是和合答所有中作羯磨比丘不
和合一處應與欲者不與欲來現前比丘不

遮若遮成遮若人現前先說其事乃作羯磨
是名有法羯磨非是和合云何和合非是有
法羯磨答所有中作羯磨比丘和合一處應
與欲者皆與欲來現在前比丘不遮若遮成
遮若人不現前不先說其事與作羯磨是名
和合非有法羯磨云何有法羯磨亦和合答

所有中作羯磨比丘和合一處應與欲者皆
與欲來現前比丘遮成遮而不遮若人現前
先說其事與作羯磨是名有法羯磨亦和合
云何非有法羯磨亦非和合答所有中作羯
磨比丘不和合一處應與欲者不與欲來現
前比丘遮成遮而遮若人不現前不先說其

事與作羯磨是名非法羯磨亦非和合問毗
尼中說所有罪人衆僧乃至三教勅頗比丘
無罪衆僧乃至三教勅耶荅除諸罪餘教勅
是也問宿白僧中得作羯磨不荅除屬和尚
尼羯磨若僧未起得作一切羯磨問諸比丘
唱說後向擯比丘說得名擯不荅得名擯作
羯磨人得突吉羅問諸比丘因宿與欲作諸
羯磨得名作耶荅除病和尚羯磨若僧未起得
作一切羯磨問比丘自爲作羯磨得作不荅
不得若作者衆僧應語是人言汝自慎自受
治優波離問佛是諸本破戒人賊住比丘先
來白衣等是人云何如法自言荅是人僧中

乃至三自說是問可得一時唱說四人今得
戒耶荅不得問可得一時唱說今四人得受
大戒耶荅不得問三比丘第四是擯比丘得
擯不荅不得擯問第四別住比丘擯比丘得
擯不荅不得問諸比丘擯可制伏得擯不荅得擯
先制伏羯磨得滅諸比丘得擯可依止比丘可出懺
悔比丘不耶荅得擯先可依止可出懺悔羯磨
得滅問諸比丘與已擯比丘作制伏羯磨名
作不荅不得作以不中同事故問諸比丘與
擯比丘作依止遣出懺悔羯磨得名作不荅
不得作以不中同事故問除比丘讒餘人得
何罪荅突吉羅罪優波離問佛制伏羯磨有

何義耶佛言此是羯磨名字是羯磨從闍諍
相言邊出應語是比丘衆僧後當籌量汝事
又問出尊依止羯磨有何義答此是羯磨名
字是但數作衆罪衆僧應語是人汝當依止
某甲比丘住問出尊駟出羯磨有何義答此
是羯磨名字是羯磨汗他家比丘邊出應語
是人汝出去莫是中住優波離問佛破慢羯
磨有何義答此是羯磨名字是羯磨從輕罵
白衣邊出應語是人汝應向某甲居士悔過
優波離問如佛所說汝應依止某甲比丘住
此說有何義佛言隨是罪比丘深心愛念恭
敬者畏難者應依止是比丘住又問如佛所

說言衆僧後當籌量此說有何義云何籌量
答應語言汝若有罪應入僧中三自首僧當
隨罪治汝是名籌量問若比丘語兩眼人言
汝是一眼人得何罪答故妄語故得波逸提
又問語一眼人言汝瞎眼人得何罪答輕惱
他故得波逸提問如佛所說比丘若內若外
輕惱他是中云何內云何外答內者界內外
者界外復次舍內名內露地名外問如佛所
說阿利吒比丘揭駄婆羅門本弟子說遮道
法作不遮法問云何是遮法答我說欲是遮
法

十誦律卷第五十四優波離問誦之四

憤鬧上音殊反訊訊訊訊目首獸下音那埤下音甘丁特

牛上音糝蘇感机案上音矣反居同鷓鴣二鷓鴣上音

一名鷲蝦蟆霞二字音水蛭下音質燿燿燿臺上音反下音

音緜反丑之簪綴上音知衛反縫逢音瞎眼八上音反許臺下音

下音就蝦蟆霞麻作含反縫音瞎眼八上音反許臺下音

音緜反丑之簪綴上音知衛反縫逢音瞎眼八上音反許臺下音

音緜反丑之簪綴上音知衛反縫逢音瞎眼八上音反許臺下音

音緜反丑之簪綴上音知衛反縫逢音瞎眼八上音反許臺下音

音緜反丑之簪綴上音知衛反縫逢音瞎眼八上音反許臺下音

音緜反丑之簪綴上音知衛反縫逢音瞎眼八上音反許臺下音

音緜反丑之簪綴上音知衛反縫逢音瞎眼八上音反許臺下音

